

میر جعفر پاشا شہروری (جو اوزار دہ ظنمائی)

سنگھیلہ اترری
۲۰۰۱

WWW.AZODKITAB.NET

آذربایجان ئوز تاریخی وظیفه سینی اونو تمتاز

آذربایجان آزادخواه لارینین فرقه تشکیلینه مشغول اولوقلارینی، گورونور. تهران مستبدلری اونلارین عموم ایران آزادلیغینا بی قید قالمالاری کیمی تلقی ایتمیشلر. بودوغروبیر تفسیر دگیلدیر. تهران و ایرانین آیری شهرلرینده آزادلیغی محوایتمگه باشلایان قاراقوه لر ئوز تکلیفلرینی دوشونملی دیر.

آذربایجان تهرانین اویونلارینا چوخ منفی و بدبینلیک ایله باخیر. بوساده لیک ایله مشروطه وقانون اساسینی اورتادان آپارماق اولماز. بشر اوج نفر مستبد ایسته دیگی کیمی خلقین قان و سلاح گوجیله آلدیغی آزادلیغی پوزایلمز. خائن و مستبد مجلس وکیللری بیرداها قان و قربانلیق طلب ایدیرلر.

صدرا لاشرافین قبول ایدیلمه سی، آزادخواه جمعیتلرین قدغن اولونماسی، روز-نامه لریمیزین قاپانماسی، آزادلیق یولوندا مبارزه ایدهن قهرمانلارین حبس ایدیلمه سی ایران ملتینه اعلان حرب دیمکدیر. صدر حکومتی و مجلسین مستبد نماینده لری بو اعلان حربدن غالب چیخایلمه یه جکلر.

اون و اون بيش نفر دن چوخ اولمایان ستارخان دسته سی بیرگون بوتون دنیا اجتماعتینه قارشى دایاناراق مشروطه نی ایره لی تمگه موفق اولدی. اونون آلتیمیشمینن زیاده متشکل شاگردلری بو آسانلیق ایله مشروطه و آزادلیق پرچمینین آیاقلار آلتینا سالینماسینا یول ویره جکلرینی آرزو ایدنلر قطعا احمق و دیوانه لر اولایلر.

آذربایجان دموکرات فرقه سی بوتون ایران ملتینین آزادلیق و نجات اوردوسودیر. بوفرقه ایگیرمی بيش گونلیک سوردوگو عمرینده بویوک موفقیت قازانمیش. اونون صداسی بوتون آذربایجان شهرلرینی بوروموشدور.

ایگیرمی بيش گونده آلتیمیشمین عضوتوپلاماق دنیا تاریخینده آرتصادف اولان ایشلردندیر. خلقی بو آزادخواه تشکیلاتین طرفینه توپلابان عجبایمان و عقیده و احساساتدان باشقا نه اولایلر؟ بو احساساتین قاباغینی هنج بیر قوه سدایده بیلمز.

بیز مقاله لریمیزین بیرینده یازمیشدیق، اگر تهران ئوزونی ارتجاعین آغوشینه آتارسا، بیزئوز آزادلیغیمیزی مستقل بیر صورتده تامین ایدمگیک. او ایشیمیزین باشلانغیجی ایدی. ایندی فرقه میزین قدرتی اوقدر آرتمیشدیرکه، بیرقدم ایره لی قویوب دیریک؛ اگر تهران توتدوغو ارتجاعی یولدان قایتماق ایسته مزسه بیزاونی قهر و غضب ایله اویولدان قایتارمالی بیق.

ایران آزادیخواه‌لاری مطمئن اولسونلارکه، آذربایجان اونلاری ترک ایتمه‌ییب همیشه اولدیغی کیمی، قطعی چارپیشمادا اونلارین محکم آرخاصی اولجاقدیر. بیزیم امنیت و آسایش شعارلاریمیزی سؤتعبیرایدیب خلقین امنیت و آسایشینی آبری یوللارایله پوزماق ایسته‌ینلر اوودایله اوینادیقلارینی بیردفعه آنلامالیدیرلار. آذربایجان خلقی یاتمامیشدیر، اوبوگون هر بیر زماندان قسرتلیدیر. اگر اوج هفته بوندان ایره‌لی آزادیخواه‌لار صفینده عدم انتظام، عجله و هدفسیز حرکتلر نظره چارپردیسا، بوگون اوندری اداره ایتمگه قادر منظم بیر مرکز وجوده گلیمیشدیر.

اختلاف و نفاق نغمه‌سی چالماغا باشلایانلار آغیزلارینی یوموب یرلرینده اوتورمالیدیر.

بیز مکرر دیمیشیک طبقاتی مبارزه آپارمیریق. اما اگر بیزیم حسن عملیمیزدن سؤ استفاده ایدیب آزادیخواه‌لارو خلقین زحمتکش طبقه‌سینی فشار آلتینا آلماق ایستینلر تاپیلارسا فرقه‌میزین اونلارانسبت رفتاری چوخ‌شدید اولجاقدیر. تهران بونوبیردفعه بیلسین که، آذربایجان آزادیخواه‌لاری اونلارین خائنه حرکتلرینی دقیق بیر صورتده تعقیب ایدیرلر.

صدرالاشرافی حکومت باشینا کچیردن مجلس ایران ملتینه و مشروطیته خیانت ایتمیشدیر. چونکه بو مستبد ایران آزادیخواه‌لارین و ایران مشروطه‌سینین باش دشمنلریندن دیر.

خائنلرین جزاسینی ملت‌ئوزی تعیین ایده‌جکدیر. ایران آزادیخواه‌لاری جدا امیدوار اولمالیدیر. صدرالاشرافلارین خائن اللریله زندانلاردا مبارزه آپاران آزادلیق قهرمانلارینا قارداشلیق سلامی!

•ج•

«آذربایجان» غزده‌تی، ۸ مهر ۱۳۲۴ ه.ش.، نمره ۱۶.